



Senin, 17 Mei 2021

Ogen: Epesus 5:19



Ercakap-cakaplah



Biasa kal kita ercakup-ecakup, aktivitasta tep-tep wari idemi alu ercakup. Ercakup berarti ngerana, nuriken ukurta gelah iangka kalak. Sitentuna ngajuk kita rukur kerna erbage hal i bas kegeluhenta. Sanga lit i bas ukurta, situriken, dingen kita pe ngaloken ukur, ide nta pendapat kalak sideban si e jadi percakapen si mehuli guna erbage hal.

Kuga kita sedekah enda i bas ercakup-cakap? Seimbang nge percakapenta? Adi i bas jabu lit singatakenca adi enggo lebih sepuluh lima menit ercakup-cakap perbulangen ras ndehara, e lanai stabil, banci ndabuh ku la siangkan. Enda ertina, kengasupenta ngaloken pendapat kalak sideban langa seri kerina emaka perlu kal palas ercakup enda alu dem pengangkan janah ngidah erbage-erbage dampar.

Rasul Paulus njemba kalak Epesus i bas ercakup-cakap enda alu makeken masmur, ende-enden pertendin siertina alu dem keleng ate ras pengataken bujur man Tuhan.

Wari enda i bas Moria GBKP ilakoken me Musyawarah Pelayanan (MUPEL) si arusna silakoken i bas tahun silepas. Tapi erkiteken pandemi covid 19 tertunda. Janah pelaksanaan pe secara virtual, pemena denga silakoken. Tentuna melala kal kekurangan-kekurangan i jah i je. Ibas ercakup dingen mereken pendapat pe banci saja terbatas, langa semal, tapi kerina enda adi silakoken alu dem keleng ate, ercakup alu pertendin tentuna kerina prosesna erdalan alu mehuli. Erkedungen i bas bukuna alu penjemba Kesah Si Badia.

Perdalanenna arus itatang-tatang alu pertoton Moria se GBKP. La bias terjeng perencanaan dan persiapen si mehuli i bas panitia. Selain itatang alu pertotonta bagepe kerina peserta banci ercakup-cakap alu dem kiniteken, keleng ate ras kemalangen man Dibta